

湛然居士文集

第五冊
卷十至十一

湛然居士文集卷之十目次

扈從冬狩

用秀玉韻

送西方子尚

用楞軒韻謝秀玉見惠東坡杖

和邦瑞韻送行

謝西方器之贈阮杖

繼希安古韻

和非熊韻二首

過深州慈氏院



用李君實韻

繼崔子文韻

繼武善夫韻

鼓琴

扈從羽獵

狼山宥獵

對雪鼓琴

寄冰室散人

寄平陽潤和尚

紅梅二首

吟醉軒

寄西庵上人用舊韻四首

和漁陽趙光祖二詩

自贊

再過太原題覃公秀野園

和韓浩然韻二首

張漢臣因入覲索詩

和謝昭先韻

德恒將行以詩見贈因用元韻以見意

送文叔南行

和馮揚善九日韻

示石州劉企賢

和劉子中韻

李庭訓和予詩見寄復用元韻以謝之

和黃山張敏之擬黃庭詞韻

寄嵩公堂頭同叅

寄移刺子春

寄妹夫人

送姪九齡行

送姪了真行

和英粹中山堂韻

和武善夫韻

和馮揚善韻

和董彥才東坡鐵杖詩二十韻



目次畢

湛然居士文集卷之十

元

耶律楚材

晋卿

撰

扈從冬狩

癸巳扈從冬狩獨予誦書於穹廬中因
自譏云

天皇冬狩如行兵白旄一麾長圍成長圍不知
幾千里螻龍震慄山神驚長圍布置如圓陣萬
騎雲屯貫魚進千群野馬雜山羊赤熊白鹿奔
青麋壯士彎弓殞奇獸更驅虎豹逐貪狼御開
有馴
豹縱之以獨有中書倦遊客放下氈簾讀周易
搏野獸

用秀玉韻

甲午之秋秀玉殿學遠以新詩寄東坡
杖因用原韻謝之

七尺烏虬乳節堅清谿寄我、欣然敢輕墨鐵
三千兩遠勝黃金百萬錢好句君堪坡老敵清
詩予負定公先他年携此林泉去靜倚松軒誦
大全

送西方子尚

西方子尚氣凌雲一見忘年各任真陰德傳家
宜有慶義方垂訓不違仁雄文固可魁天下確

論曾無詭聖人天英才須有意好將吾道濟斯
斯民

用樗軒散人韻謝秀玉先生見惠東坡杖
圓方頂足法高卑五九蒼、老節竒一日湛然
獲二寶東坡鐵杖寂通詩

和邦瑞韻送行

幸有和林酒一樽尚醞出于和林地爐煨火為
城故有是句君溫昔年相見興三歎此日臨行贈一言士行
莫忘直報怨人情須信害生恩而今躍入驚人
浪珍重風濤過禹門

謝西方器之贈阮杖并序

了然居士素蓄東坡鐵杖洎地字號阮
真絕世之寶也天兵既克汴梁先生携
二君來燕欲藏之恐不能終寶欲贈湛
然南北相去不知其幾千里慮中道浮
沉是以獻諸秀玉殿學田公奉御欲轉
致于予也甲午之秋陳田入覲果饋之
于我亂道數語用酬厚意

睢陽三絕從來傳坡仙鐵杖為之光宋朝四美
豈易得地君神器稱乎賢了然居士隱洛瀍讀

書好古有積年擒龍捉日獲二寶之鑿棟屋
壁穿龍庭萬里疊山川欲來饋我嗟無緣將奪
固與此理玄慙携贈陳與田陳田今歲來朝
天惠然出賜穹廬前烏虬入手蒼壁懸恍然遺
世如登仙長蛟倚壁光娟鱗介欲生如蜿蜒
澄：秋月瑩朝鏡須臾洗盡予腥羶足方法地
頂法乾四十五節松柏堅七尺烏金三十兩微
篁瑟：鳴哀蟬雲頂纖：空腹圓十三玉柱鴻
翩：躄：雲坐踞猛虎巖：山口雙：絃鐵君
伴我遊林泉足疾頓減衝雲煙臨風三弄碎瓊

玉清商秋水聲消、安仁得此如臨淵子聃求
權不惜錢湛然坐受匪勞力不勝其服心胡然

西方諷我求終焉故令二友相招延拖桐扶杖

閭山巔舉觴笑詠秋風邊了然居士作鉄君傳云長七尺重三十兩

頂圓足方中有微篁凡四十五節世傳嵇生造

又云昔顯宗東宮時常讀東坡鉄杖詩因名侍

以鄭子聃問杖之存亡子聃以在睢陽為對因

子聃數千緡購于一見云地字號阮亡宋之故物棟

地玄黃此四阮為絕寶也泰和間秘于此禁中待

詔孫安仁之姊以琴阮得入侍上以此阮賜之

不安仁屢求之其妙以阮見寄舊制宮掖中侍人

不許與親戚通耗安仁冒法得之其好事有如此

此者故予引用其語云繼希安古詩韻

垂盡絲綸不上鈞冥鴻高舉弋無由不圖垂譽
流千古安肯低眉謁五侯

和非熊韻

蠻觸功名未足誇掀然一笑付南華他年擊破
疑團後始覺從來盡眼花

和非熊韻

藹、英聲鎮北州非熊人物本風流時逢佳客
開青眼久領元戎尚黑頭已發豐城神劍出休
嗟暗室夜光投驅兵經畧關中了題遍長安舊
酒樓

過深州慈氏院

今年扈從次饒溝暫解征鞍慈氏遊世變劫灰
何所有人隨兵火鮮能留堂、聖像孰曾識燁
燁真詮詎可求醉墨淋漓洒塵壁使人知我過
深州

用李若實韻

多病逢秋苦未宜尺^天涯屈指故人稀塵飛滄海
悲人世夢斷黃梁笑錦衣靜樂浮榮難兩得宦
情歸興本相違高山流水無窮思撫弄絲桐為
發揮

繼崔子文韻

崔子龍鍾亦可憐臨風相送我胡然君來玉塞
三千里余隱龍沙二十年美玉詎容藏韞櫝精
金到底入鈞甄他時定下搜賢詔先到河東汾
水邊

繼武善夫韻

老子年來酷愛閑不堪白髮映蒼顏十年興廢
悲歌裡半世干戈寤寐間北闕欲辭新鳳閣東
州元有舊閭山熊經鳥引聊終老崑下疎松正
好攀

鼓琴

宴息穹廬中飽食無用心讀書費目力苦思嫌
哦吟樗博近博徒圍棋殺机深洞蕭耗余氣纂
筑惡鄭音呼童炷梅魂索我春雷琴何止銷我
憂還能禁邪淫正席設斐几危坐獨慙襟尋徽
促玉軫調弦思沉：清聲鳴鶴鸞古意鏘石金
秋水洗塵耳秋風振高林清興騰八表成連何
必尋絃指忽而忘世事如商參泥塗視富貴晝
夜等古今湛然有幽居祇在閭山陰茅亭遠流
泉松竹幽森：携琴當老此歸去投吾簪

扈從羽獵

湛然扈從狼山東御開天馬如遊龍驚狐突出
過飛鳥霜蹄霹靂飛塵中馬上將軍弓挽月脩
尾蒙茸卧殘雪玉翎猶帶血糝糊駉駉嘶鳴河
微血長圍四合匝數重東西馳射奔追風鳴鞘
一震翠華去滿川枕籍皆豺熊自笑中書老居
士擁鼻微吟弓矢廢向人忍恥乞其餘瘦兔癆
獐紫駝背吾儒六藝聞吾書男兒可廢射御乎
明年準備秋山底試一如臯學射雉

狼山宥獵

扈從車駕出獵狼山圍既合奉詔悉宥
之因作是詩

君不見武皇校獵長楊裡子雲作賦誇奢靡又
不見開元講武驪山傍廬陵脩史譏禽荒二君
所為不足法徒令千載人雌黃吾皇巡狩行周
禮長圍一合三千里白羽飛空金鏑鳴狡兔雄
狐應弦死翠華駐蹕傳絲綸四開湯網無掩群
天子恩波沐禽獸狼山草木咸忻

對雪鼓琴

君不見黨侯賞雪斟羊羔蛾眉低唱白雲謠慷

慨樽前一絕倒高談濶論誇雄豪又不見陶穀
開軒收竹雪旋燒活火烹團月笑撚吟鬚吟雪
詩冷淡生活太清絕清歡濁樂爭相高至人視
此輕鴻毛嗜音酣酒元麈俗癖茶嚼句空劬勞
龍庭飛雪風淒冽天地模糊同一色數卮美漣
溫如春三弄悲風絃欲折酪奴歡伯特降旌詩
聲歌韻不敢鳴黨武陶文都勘破真識此心無
一箇

寄冰室散人

佳人元不是摩登幻術因循汙此生對雪解吟

飛絮句滅燈能審
斷絃聲鳳樓
蕭洒閑瓊館
水室深沉冷玉笙
好訪龍溪善
知識傳燈何啻愬
持名 三學尼長老道號龍溪老人

寄平陽潤和尚

張彥升寄平陽潤和尚所著
金盞兒十首因作詩寄潤公

十首新詞寄我時
淨名手段我獨知
解將沒孔錢鎚子
打就無聲金盞兒
言外翻騰閑曲調
劫前拈弄古鈴鎚
清和露布毅公案
賺得衰翁一首詩

紅梅

東坡謂認桃無綠葉辨杏有青枝太麗俗因潤飾其語成之

瘦損佳人冰雪枝
天教粧抹入時宜
小桃嫌鋪

翠雲葉疎杏驚看
碧玉枝李白詩成
起妃子吳宮宴罷
醉西施而今辜負
黃昏月只少西湖
處士詩

其二

天仙皎々素羅裳
淡抹濃塗搃不妨
酒暈半潮妃子醉
胭脂初試壽陽粧
肯同桃杏迷蜂蝶
本與松筠傲雪霜
顧影也應悲漠室
臨風猶似怨三郎

吟醉軒

脩竹千竿五畝宮
幽居活計與無窮
清詞麗句

梅詩老白髮蒼顏
歐醉翁洒墨疾書千首
每浮白痛飲百樽空
醉吟聞有香山老
倒用顛拈意暗同

寄西菴上人用舊韵四首

別後無緣得再參
新詩重寄代和南
他年放我休官去
只向雲川結小菴

功名我已讓曹參
又見曹參定五南
布鞞青鞋從此始
濟源有問侍中菴

多幸松軒得罷參
玉泉山水勝江南
泉邊便作歸休計
何必香山覓舊菴

憶昔吾師

萬松老也

放晚參揚兵西北擊東南一聲

霹靂龍飛去尚有痴人宿艸菴

和漁陽趙光祖二詩

岩廊深責忝疑丞
位重材輕負寵榮
猶虜七擒輸葛亮
竒謀六出媿陳平
未行禮樂常如歎
欲掛衣冠似不情
何日對君言我志
夜闌秉燭笑談傾

其二

生民垂欲陟春臺
南北妖氛絕點埃
典禮已隨前代廢
遺音猶怨後庭哀
十年嘆我垂垂老
萬

里憐君得；來此語縱無多忌諱緘題未可對
人開

自贊

美髯中書白衣居士從他抹粉施朱一任安名
立字手中玉麈震雷音說盡人間無限事

再過太原題覃公秀野園

君實洛陽園花竹秀而野先生取此意開園臨
古社土階甃以石茅亭略其瓦佳木碧雲搖清
泉寒玉瀉開軒扣琴筑撫景飛觴筭我來正秋
晚殘英折盈把粲然啟一笑琅然歌二雅將歸

且裴徊幽尋未能捨呼酒盡餘興索筆為模寫
緬懷溫國公重名滿天下寥々二百年童卒傳
司馬君侯葉茲圃如有所慕者晞顏々之徒予
亦斯人也

和韓浩然韻二首

浩然以昇元寶器玉澗鳴泉二琴見贈
勉和來詩用酬厚意

標格雄々蘊藉深烏龍胸臆隱雷音一獲神器
波及我不負分金結義心浩然得四琴分二
琴于我故有是句

又

一曲風高奏古宮坐賄神物媿無功千金厚惠
將何報鸚表懇懃效孔融

張漢臣因入覲索詩

漢臣千里覲龍庭欲使天皇致太平十事便宜
言懇切三千貔虎令嚴明好籌廟筭如留相莫
憶鱸魚似季鷹一統要荒君勉力雲臺須占最
高名

和謝昭先韻

失矣為劣得矣優遇流而行坎則留笑視紛
兒女輩成是敗非徒相尤棄人所恥：所棄獨

識萬松為出類本欲心空及第歸暮請晨恭惟
一志浮生迅速奔隙駒無窮塵劫元斯須泰透
威音劫前事花開枯木誰云枯河朔干戈猶未
息西域十年空旅食賢人退隱予未能釣衡曠
位虛名極真人應運康世屯數頒寬詔垂絲綸
沛若恩波淪骨髓皇：四海咸蒙春漢唐疆宇
非為大戍守西臨玉關界百濟稱藩過海門鄙
語粗言其大概天皇自將辦多：天兵百萬涉
長河京索為空汴梁下秦皇漢武疇能過凜
威聲震天宇不殺為功果神武朔南一混車書

同皇業魏、跨千古先生吾邦之彥兮 琴書
而自怡勁挺松柏操磊英雄姿明正道無邪思
一貫詩書繼先覺兩全才德真吾師王謝來江
左家學易道豈忘貽湏世湏君展驥足政要再
鑿人耳目小子區、何所祝但願天哀俞奏鶚
德恒將行以詩見贈因用元韵以見意云
國士朝黃屋無辭路八千徒嗟蘇子困誰識禰
生賢腰下無金印山中有翠煙英雄須有用勉
力待中年

送文叔南行

李子敦純不入時而今失志又南歸縱無手內
毛生檄自有囊中策子衣未得忠貞昆聖主且
將甘旨事慈闈鶴雛不忘衝天志直待三更年
一飛

和馮揚善九日韵

馮君今歲又離家攜手賡酬海一涯秦漢興亡
真夢寐蘇張軼軻莫吁嗟孔融座上樽盈酒靖
節籬邊菊有華何日公餘同此樂西風一醉泛
流霞

示石州劉企賢

西州來索湛然詩笑點霜毫錄鄙辭底事行藏
元有數斯文否泰本由時碩材未信明君棄雅
操何慙暴吏欺此語頗涉人忌諱等閑勿使細
民知

和劉子中韵

蓬山散人劉詡子中頗通儒幼依全真
出家今已還俗故有擇術不可不慎之

句

蓬山北海遊珥筆陳良謀徒步而南來意氣凌
馬周貪吏亂法令如茨不可束子中有大志每

甘跨下辱他日得從龍其鋒誰敢觸今日君之
未非為五斗粟君子慎擇術痛恨陪全真調心
正是妾堪笑學烏伸一日錯下脚萬劫含酸辛
平生大夢中不識菴中人一言贈吾子宗匠宜
相親

李庭訓和予詩見寄復用元韵以謝之

忝位台司歲月深中書自笑不如岑殷周禮樂
真予事唐舜規模本素心鄭五每慚難作相胥
靡終欲強為霖隴西妙語虛推粹舒卷寒窓盡

日吟

和黃山張敏之擬黃庭詞韻

黃山無媒亦無梯蕭條白晝關荆扉凌晨端坐
漱玉池闌干首着先生飢惠然寄我黃庭詞湛
然一笑幾脫頤一鶴南翔一不飛十年一夢今
覺非故山舊隱蒼松歌而今老盡虬龍枝曾學
四老餐紫芝從識懷寶而邦迷塵緣一掃無子
遺隔穀觀月猶依稀汪洋法海無邊涯螢光詎
可窺晨晞蓮花自是生汙泥汙泥不染清涼肌
彩雲易散碎琉璃人間四相天五衰有為無為
俱有為壽窮塵劫元非遲湛然醉搖芭蕉卮蓄

薇深蘸書淋漓白眼一望須彌低黃山先生耽
書痴退藏不露龍麟姿對人不恥弊緼衣自甘
貧困元知微籬邊黃菊香離披門前山色寒參
差不以下體遺葑菲新詩遠寄盤龍螭胸中滿
貯夷齊薇忘机臨水狎鷗鷺燕居申、不愆儀
含光隱秀如文犀乘閑綸釣垂清漪躬耕禾黍
方離、須信君子能自卑予知先生之獨悲深
憂海内生民疲生民擾攘如棼絲笑予素餐徒
位尸先生識鑒如元龜旁通發而為聲詩照我
穹廬生光輝窮通進退元有時至人終不貪危

機他時天子求墳篋欲行周禮脩周基先生好
應千年期沙堤行人羨輕肥鳳凰到底鳳池棲
太平釣石須君持蒼生未濟無言歸

寄曷公堂頭同叅

曷公聞道住南宮笑寫新詩托去鴻準備金桃
三百顆因風寄與老髯公

寄移刺子春

說與沙城劉子春湛然垂老酷思君同遊青塚
秋將盡共飲天山酒半醺鬪帚題詩熟鍊字瓊
廬談道細論文五年回首真如夢衰草寒煙正

斷魂

寄妹夫人

三十年前旅永安鳳蕭樓上倚闌干先叔故居之樓名
初學畫画同遊戲靜閱琴棋相對閑聚散悲歡
燈影裡興亡成敗夢魂間安書風送來天際望
斷中州一髮山

送姪九齡行

我欲歸休與願違而方知命正宜歸閭山自有
當年月一舸西風賦式微

送姪了真行

吾兄惟世祿襲封食東平幼子死王事長安閨
門英孀居二十年禮佛讀傳燈一旦遇宗匠了
真訓其名前歲陽翟破道服潛偷生寧死不受
辱記疾燕山京湛然憐孤族贖汝為編氓死生
本如夢寵辱真若驚莫忘亂離苦長思厭世情
三學有龍溪叩參宜盡誠唱碎頰彌山打破軋
闔城兩頭俱放下枯木一枝榮

和少林和尚英釋中山堂詩韻

我愛嵩山堂山堂杖寂、暮煙自搖蕩白雲風
出入冷、溪水寒細、琴絲濕離塵欲無事又

有閑踪迹

和武善夫韻

不得潛身似許由鑿閭辜負萬山秋未竭犬馬
雖為慊忽憶猿鶴却自羞黃閣賴懸新篆印白
霄元有舊漁舟他時雪夜尋良友且學當年王
子猷

和馮揚善韻

揚善從來慕晉卿滄浪濁處不濯纓關東易學
孰能與冀北詩聲莫與京今日窮途雖蹇剝他
時行道自亨貞須知遯世元無悶莫怨龍鍾出

帝城

和董彥才東坡鐵杖詩二十韻

女媧未補青天裂神液飛精散為鐵嵇生箕踞
鍛洪爐白汗翻漿滴清血黑虬彷彿欲飛躍鱗
介蒼：生乳節情知中散氣凌雲肯與凡工爭
巧拙柳君傳與東坡老神物終須歸後傑坡仙
為壽文定公酬和新詩誇勝劣觀妙堂名龍尾
硯睢陽并此為三絕睢陽城破兵火炎神器不
隨煙焰滅了然居士出伊洛登山度水相扶挈
燕然分付我清谿妙語雕鐫跨先哲遠來携贈

白霄老天理似為予所設湛然忝位本無功致
主澤民媿臯契再遊北海復何恨與君同步龍
沙雪大澤深山無所驚掃除魑魅驅兇孽輕篋
歷：吐微語閑對幽人如鼓舌有如拈起擊須
彌須弥擊碎同丘垤雲門遠遁德山去敢對驪
翁開口說一時驚倒野狐禪奔走不來予闔闌
他年神武掛冠去誰知剗外乾坤別橫擔此杖
入千峯大方獨步無蹉跌

湛然居士文集卷之十終

湛然居士文集卷之十一 目次

用張道亨韻

題龐居士陰德圖

和馮揚善韻

和秀玉韻

示從智

答聶庭玉

繼栢巖大禪師韻

和張善長韻

愛棲岩彈琴聲法二絕

冬夜彈琴頗有所得作詩三十韻以遺猶子蘭
夜坐彈離騷

彈秋宵步月秋夜步月二曲

彈秋水

彈秋思用樂天韻二絕示景賢

彈廣陵散終日而成因賦詩五十韻并序

吾山吟并序

從萬松老師乞玉博山

寄萬壽潤公禪師用舊韻

寄聖安澄公禪師

寄甘泉禪師謝惠書

送房孫重奴行

從龍溪乞西巖香并方

乙未元日

付從究

旦日遺從祖

旦日示從同仍簡忘憂

元日勸忘憂進道

轉燈

錄寄新詩呈冲霄

寄東林

借琴

戲景賢

再用前韻二首

寄景賢

再用知字韻戲景賢

後用前韻戲呈龍崗兼善長詩友二首

慕樂天

彈廣陵散

戲劉潤之

用劉潤之韻

十一卷目次畢

湛然居士文集卷之十一

元 耶律楚材 晉卿 撰

用張道亨韻

道亨予故人也間關二十年今寓居平

水以詩見寄因和其韻以謝之

大安之季君政乖屯爰用事符雲雷邊軍驕懦
望風潰燕南趙北飛兵埃民財已竭轉輸困元
元思治如望梅太白經天守帝座長星勾已圻
中台玄臺密表告天道災妖變異無不該奸臣
構禍謀不軌魚鱗：首侵宸階喋血京師萬人

死君臣自此相嫌猜居庸失守紫荆破天兵掣
電騰八垓潛議遷都避凶禍銜枚半夜宮門開
河表偷生聊自固京城留後除行臺力窮食盡
計安出元戎守節甘自裁虬龍奮迅脫大難微
波沉滯獨黃能王師神武本不殺一發鹿臺能
散財威聲遠震陝洛惧勢同拉朽如枯摧髯公
退縮養愚拙白麻一旦天邊來萬里龍庭謁天
子輶車軋、風塵埋言輕無用自緘默浮沉鴟
鷺相趨陪布幕羶廬庇風雨日中一食如持齋
瀚海波聲寒汹涌金山峯勢高崔嵬十年行役

亦艱苦藍車強駕同駑駘美漣如飴潤喉吻仃
伶獨撥寒爐灰故園夢斷几千里燕然回首白
雲堆彈鋏悲歌望明月山城明月空徘徊往事
如絲不敢憶令人感慨生餘哀聖人繼起踐九
五歡聲騰沸天之涯萬國梯航喜奔走幣帛交
列陳瓊瑰天子恩威溢中外遠邇翕然無不懷
四民樂業庶政舉宗臣戮力諸王諧行殿受朝
設鐘鼓明堂祭祀陳大壘卿雲輪茵自紛郁妖
星不復侵天街否道已窮受諸泰人心已順天
心迴制度一新從簡畧禁網疎濶如天恢賢才

尚隱若冥雁區、弋人何慕哉自慚忝位司鈞
軸可憐多士無梯媒願學留侯引年去不與赤
松遊蓬萊閭陽舊隱度殘朽扁舟蓑笠五湖涯

題龐居士陰德圖

易、難、各一機非難非易亦新奇若將三句
分優劣露桂燈籠暗皺眉

和馮揚善韻

天道不可窮此理自古然大暴壽盜跖至仁天
顏淵偉材鮮遭遇君臣難兩全庸愚厭梁肉廣
文寒無糧未逢知音人伯牙故絕絃我愛馮公

子孔教窮高堅憂道不憂貧一室如罄懸却笑
庠序生供薦徒備負詩書貯便腹一斗吟百篇
遠蹈顏孟迹近比蘇黃肩寧受跨下辱不為天
下先昇平已有期上道化日躔九州成一統刑
賞歸朝權汴梁三戰定樂浪一檄傳先生謁承
明萬里來秦川徒步沙磧中往復幾一年撰著
說易傳應詔命席前十年符億兆一世盈十千
男兒志在道何論朕與胼一旦得榮遇閭巷車
馬瑱窮通固由命何必興改煎用之自可進舍
之便可還自笑髯中書有過仍不悛三代不同

禮勉欲相襲沿賢人正退隱強起居官聯冰炭
豈共器安可混渾愚賢可惜和氏姿庸工浪雕鑄
不能成作大器取次成棄捐潛龍喻君子或躍或
在田未遂馬周志好墾楊雄屢伏臘粗酒脯旦
夕充羹饘窮途不足泣弔影無自憐人生一瞬
息日月如璣旋學道如牧羊後者為之鞭離群
謝富貴遁世安林泉勿學躁進人扼腕長呼天

和秀玉韻并序

三學老人背佛說法教僧幽宇藏謗之
清谿老人有頌因和之

清谿作竊語湛然大笑之僅能知大用尚未識
天機貪隨言語轉錯認二阿師箇中闕據子卓
然絕百非三學未嘗坐何說非與是半藏未有
言奚論讚與毀解語非干舌能知誠匪智為報
清谿公無事莫生事

示從智

知人者明自知者智仁人一言博哉其利

答聶庭玉

文章太守鎮榆關遠寄新詩與湛然卓爾功名
君勉力歸與活計我加鞭扶衰幸有東坡杖遣

興猶存玉澗泉布襪青鞋任真率東垣山水不
拈錢

繼栢岩大禪師韻

行盡千程與萬程誰能退步見嚴宸饒渠解釋
庭前雪咲彼難除室外塵翡翠簾前猶是汝玩
璃殿上更何人直須鶴出銀籠外受用壺天不
夜春

和張善長韻

下馬如虹氣焰雄驚人詩筆有誰同銀鈎老字
學顏體玉振奇辭類國風今日白衣聊養素他

年皇屋好推忠經營江左須豪哲占取雲臺第
一功

愛棲岩彈琴聲法二絕

須信希聲是大音操多則亂吟多淫世人不識
棲岩意祇愛時宜熱鬧琴
多著吟操熟客耳強生取與媚俗情純音簡易
誰能識却道嵩棲無木聲

冬夜彈琴頗有所得亂道拙語三十韻以

遺猶子蘭并序

余幼年刻意于琴初受指于弭大用其

閑雅平淡自成一家余爰棲岩如蜀聲
之峻急快人耳目每恨不得對指傳聲
間關二十年予奏之索于汴梁得焉中
道而卒其子蘭之琴事深得棲岩之遺
意甲午之冬余扈從羽獵以足疾得告
凡六十日對彈操弄五十餘曲棲岩妙
旨于是盡得之因作是詩以紀其事云
湛然有琴癖不好凡絲竹見時已存心壯年學
愈薦倉忙兵火際遺譜不及錄四首二十秋絲
桐高閣束棲岩有後人萬里來相逐能繼箕裘

業待予為李叔今冬六十日對彈五十曲五旬
記新聲十朝溫已熟高山壯意氣秋水清心目
陽春撼瓊玖白雪碎瑤玉洛浦太含悲楚妃歎
如哭離騷泣鬼神止息振林木秋思盡雅興三
樂歌清福自餘不暇數渴心今已沃昔我師弭
君平澹聲不促如奏清廟樂威儀自穆：今觀
棲岩意節奏變神速雖繁而不亂欲斷還能續
吟猱從簡易輕重分起伏一聞棲岩聲不覺傾
心服彼此成一家春蘭與秋菊我今會為一滄
海涵百谷稍疾意不急似遲聲不竭二子終身

學今日皆歸僕我本嗜疎懶富貴如桎梏幸遇
萬松師一悟消三毒早晚掛冠去閭山結茅屋
蔬笋粗充庖糲飯炊脫粟有我春雷子豈憚食
無肉且夕飽純音便是平生足

夜坐彈離騷

一曲離騷一椀茶箇中真味更何加香銷燭盡

穹廬冷星斗闌干山月斜

彈秋宵步月秋夜步月二曲

碧玉聲中步月歌彈來彈去不嫌多從教人笑
成琴癖老子佯呆不管他

彈秋水

信意彈秋水清商促軫成只疑天上曲不似世
間聲海若誠無敵河神已請平三朝不彈此心
竅覺塵生

彈秋思用樂天韻二絕示景賢

秋思而今不入時平和節奏苦嫌遲香山舊譜
重拈出不問知音知不知

鄰、斷似烏蛇蚺瑟、徽如古殿苔玉澗鳴泉
獨受用穹廬祇少景賢來

彈廣陵散終日而成因賦詩五十韻并序

嵇叔夜能作廣陵散史氏謂叔夜宿華陽亭夜中有鬼神授之韓皋以為揚州者廣陵故地魏氏之季毋丘儉輩皆都督揚州為司馬懿父子所殺叔夜痛憤之懷寫之于琴以名其曲言魏之忠臣散殄于廣陵也蓋避當時之禍乃託于鬼神耳叔夜自云靳固其曲不以傳袁孝尼唐乾符間待詔王遨為季山甫鼓之近代大定間汴梁留後完顏光祿者命士人張研一彈之因請中議大夫張

崇為譜序崇備叙此事渠云驗于琴譜有井里別姊辭鄉報義取韓相投劍之類皆刺客聶政為嚴仲子刺殺韓相俠累之事特無與揚州事相近者意其叔夜以廣陵名曲微示其意而終畏晉禍其序其聲假聶之事為名耳韓皋徒知托于鬼物以避難而不知其序其聲皆有所托也崇之論似是而非余以為叔夜作此曲也晉尚未受禪慢商與宮同聲臣行君道指司馬懿父子權侷人主

以悟時君也又序聶政之事以訊權臣
之罪不啻俠累安得伏羲之士以誅君
側之惡有所激也不然則遠引聶政之
事甚無謂也恭和間待詔張器之亦彈
此曲每至沉思峻迹二篇緩彈之節奏
支離未盡其善獨棲岩老人混而為一
士大夫服其精妙其子蘭亦得棲岩之
遺意焉

湛然數從軍十稔苦行役而今近衰老足疾困
卑濕歲暮懶出門不欲為無益穹廬何所有祇

有琴三尺時復一絃歌不猶賢博奕信能禁邪
念閑愁破堆積清旦炷幽香澄心彈止息薄暮
已得意焚膏達中夕古譜成詎軸無慮聲千百
大意分四節四十有四拍品弦欲終調六絃一
時劃初訝似破竹不止如裂帛忘身志慷慨別
姊情慘戚衝冠氣何壯投劍聲如擲呼幽達穹
蒼長虹如玉立將彈怒發篇寒風自瑟：瓊珠
落玉器電墜漁人笠別鶴唳蒼松哀猿啼怪栢
數聲如怨訴寒泉古澗澁幾折變軒昂奔流禹
門急大絃忽一捺應該如破的雲煙速變滅風

雷恣呼吸數作撥刺聲指邊轟霹靂一鼓息萬
動再弄鬼神泣叔夜志豪邁聲名動蠻貊洪爐
煨神劔自覺乾坤窄鍾會來相過箕踞方袒裼
一旦譖殺之始知襟度阨新聲東市絕孝尼無
所獲密傳迨王遨曾為山甫客近代有張研妙
指莫能及琴道震汴洛屢陪光祿席器之雖有
聲鍊此垂頭白中間另起意沉思至峻迹節奏
似支離美玉成破壁為山麪一簣未精誠可惜
我愛棲岩翁翻聲從舊格始終成一貫雅趣超
今昔三引入五序始作意如翁縱之果純如將

終繳而繹嵇生能作此史臣書簡策又謂神所
授傳自華陽驛韓皋破是說以為避晉隙張崇
作譜序似是未為得我今通此論是非自懸隔
商與宮同聲斷知臣道逆權臣佯人主不啻韓
相賊安得聶政徒元惡誅君側上欲悟天子下
則有所激惜哉中散意千古無人識

吾山吟

兒鑄學鼓琴未期月頗能成弄有古調
絃泛聲一篇鑄爰之請余為文因補以
木聲稍隱括之歸于羽音起于南宮終

予大簇亦相生之義也以文之首句有
吾山之語因命為吾山吟聊塞鑄之請
不敢示諸他人也湛然題

吾山吾山予將歸予將歸深溪蒼松圍茅亭扁
柴扉水邊林下琴書樂矣水邊林下琴書樂矣
不許市朝知猿鶴悲吾山胡不歸

從萬松老師乞玉博山

吾師珍惜玉山爐可歎雕紋朴喪初無黨無偏
三足峙不緇不磷一心虛禮佛誦讀須資汝示
眾拈香正起予對此好彈三澗雪因風遠寄萬

松書

寄萬壽潤公禪師用舊韻

懶谷禪師一紙書禪師佳句古誰如不才嘆我
垂：老美裕憐君綽：餘斷臂志能如慧祖點
胸終不似雲居三闕叅到縱橫處識破黃龍脚
似驢

寄聖安澄公禪師

澄公屢有寄來書不著寒溫問訊予老柏依然
籠古殿庭中有怪拍數株旃檀無恙鎖精廬金鱗透網
三乘外大隱居鄜千載餘聖安居市中祇有此見堪

恨處向人剛覓護身符

寄甘泉禪師謝惠書

萬松節外有孫枝德業文章冠一時不惜臨風
寄新句知音消得湛然詩

送房孫重奴行

汝亦東丹十世孫家亡國破一身存而今正好
行仁義勿學輕薄辱我門

從龍溪乞西岩香并方

余愛龍溪老人之西岩香屢乞之每恨
得少旋踵而盡因道鄙語乞香并方

我愛龍溪新樣香西崑風韻卒難忘深玄欲說
舌頭短妙觀先通鼻孔長秋水彈時宜受用碧
崑讀處更相當清香妙譜都拈出莫惜十年舊
藥方

乙未元日

劫前別有一壺天萬古長空無後先建化門頭
聊爾也隨徒衆賀新年

付從究

曠劫茫茫因路塵回頭便是故園春而既今遇
松軒老究取元來不死人

旦日遺從祖

乙未旦日從祖索詩浪道數句以遺之
塵世春風歲又遷僚屬來賀古川前誰知萬法
生心上不覺隻毛落鬢邊人生能得幾緡履文
章不直一文錢威音那畔乾坤別且道而今是
幾年

旦日示從同仍簡忘憂

乙未旦日從同索詩因道拙偈二十韵
仍簡忘憂

昔我馳星輶駐車歸化城汝方來樞衣從同訓

其名倚于岳十年百事無一成律曆且及半琴
道猶未精禪書置一隅尚未窮一經大道若滄
海萬古長澄清酌之而不竭注之而不盈偃鼠
得滿腹亦足飽鯤鯨又如大圓鏡歷劫長圓明
中間無影像應物不現形漢胡遮相照出沒能
縱橫又如萬鈞鐘寂然藏雄聲隨叩而即應圓
音自鏘鏗小擊而小響大撞而大鳴又如長明
燭積歲長熒、分為百千萬光明如日星惠之
而不費是為無盡燈日月照天下不可語瞽育
雷霆碎山岳聾者未曾聽枯木元無花却怨春

不平作偈以勸汝可以為盤銘

元日勸忘憂進道

乙未元日忘憂居士索詩勉道數語因

勸其進道云

劫外風光別人間日月遷南洲添一歲北海又
三年榮利蝸粘壁功名蟻慕羶萬緣都放下好

扣祖師禪

轉燈

乙未元日安慶以轉燈見贈忘憂居士
索詩走筆作偈以警世云

安慶作戲燈惠然來贈我箴燈藉微明細火薰
其座乘茲風火力盤旋如轉磨中有角抵人揮
臂不知禍團、十方匝輪迴莫能超此燈雖戲
具無果大因果三世塵沙佛皆知轉燈過三千
大千界成壞亦風火所以明眼人重道輕利貨
生死比夢寐榮華等涕吐長行此觀心人間都
看破多少看燈人知音無一箇

錄寄新詩呈冲霄

冲霄酷愛玉泉詩媿我年來無好辭錄寄新詩
三十首莫教俗子等閑知

寄東林

屢承東林同參賜書未遑裁荅亂道鄙
語以代手訥云

同叅萬里寄書來盥手緘封手自開沒骨舌頭
我難說無根樹子若能栽金鵬手段平翻海任
老鉤竿不釣能何日萬松軒側畔笑談抵掌一
開懷

借琴

龍崗居士本知音叅透淵明得趣心暫借桐君
休吝惜玉泉習氣未忘琴

戲景賢

景賢愛彈雉朝飛作是詩以戲之

牧犢曾歎雉朝飛七十無妻是以悲何事龍崗
愛彈此欲學白傅覓楊枝

再用前韻

景賢彈雉朝飛予作詩戲之蒙寵和有
若有餘陰乞一枝之句予再用前韻以
拒之

過住行雲不敢飛一聲還噎一聲悲蠻兒深慳
龍崗意唱得香山楊柳枝

又

妙舞盤中塵不飛採蓮一曲繞梁悲慕素魯蠻
獨當兩貫珠歌韻柳腰枝

寄景賢

因廷疾在告彈琴逾時腕臂作痛自訟
其痴作詩以寄景賢

湛然有過必人知笑寄龍崗自訟詩閻浮衆生
苦為樂華嚴皇覺藥能醫十年擐甲足疾作三
月彈琴臂力衰因病得閑、却病閑中雖病也
便宜

再用知字韻戲景賢

薄德從來總畏知龍崗又有和來詩機關不解
活龍弄是語有癖疾還如死馬醫大舜再逢難永
訣周公不夢覺吾哀鳳池元是獲龍宅山鹿野
麋終不宜

復用前韻戲呈龍崗居士兼善長詩友

君有蠻兒我已知湛然援筆上新詩翠眉已惹
禪心動玉頰休教懶髓醫舊有藥爐雖竭底新
來鼎器却扶衰隆、玉準能青眼不解雲霓也
自宜西人都服白衣

其二

行雨行雲一夜飛
襄王從此莫含悲
蠻兒侍寢
龍崗老恰似柔梯
生柳枝

慕樂天

荆水荆水出於玉泉渾如八節灘
玉泉佳趣類香山
韋編周易忘深意
貝葉佛經送老閑
奕我琴書池
五畝侑人詩
酒竹千竿樂天活計都相似
脂粉獨嫌素與蠻

彈廣陵散

居士閑彈止息時
胸中鬱結了無遺
樂天若得

嵇生意未肯獨吟
秋思詩

戲劉潤之

從劉潤之借杜詩因豪奪之作是詩以戲之

休嗔久假不云歸
長笑還書是一痴
居士親行
萬里地政須百註
杜陵詩

用劉潤之韻

箇中消息本忘言
一念從渠一萬年
大地遍開
皆是水頑石不擊
固無烟成佛莫落謝公後
建業從教祖氏先
萬法悉從心地起
元來禍福不

由天

湛然居士文集卷之十一



